

續武陟縣志

辛未

翔九



月

續武陟縣志

武陟縣知事史延壽纂輯
武陟縣縣長王國璋參訂
武陟縣縣長田家珩參訂

地理志

前志疆域山川古蹟風俗各自爲篇記載詳矣而遺漏舛誤之處有所不免數十年來時事變遷又有不能盡符者爰以地理爲綱各門爲目分別補正而水利交通舊志所未有者亦增附於此焉

疆域

縣境四至前志綦詳惟河內於民國元年改名沁陽河陰

縣於乾隆二十九年裁民國元年復設查北郭草亭余會小司馬澗溝城子解封賈作方陵后庄各村早見於萬厯秦志及康熙甘志而新河陰志亦以爲十八村自明成化來皆已屬武則前志沿革表所謂乾隆二十九年裁河陰縣以十八村入武陟者誤也

縣境舊分二十里清光緒三十四年劃定自治區域分爲一城二鎮三鄉城區自治公所設城內關廂布庄楊庄屬之古懷鎮公所設木欒店千一待二方一平二屬之沁南鎮公所設大司馬方二永一永二維一等里暨維二南半里屬之沁北鄉公所設小董村維二北半里暨

興一興二平一等里屬之古陽鄉公所設圪墻店千二
善一善二富一等里屬之嘉應鄉公所設劉村富二大
一大二待一等里屬之

河渠

沁水 前志敘武陟沿河村莊多有遺漏入黃形勢亦有
變遷今查自沁陽之西張計村入武陟縣界南岸自東
張計村而東過王順滑封白水北陽陶村石荆岳家莊
大虹橋小虹橋張村原村楊莊經縣城東北折而南流
經東關童貫李馬棚原馬棚趙馬棚方陵北岸自沁陽
村而東經渠下南王北王小董陶村高村北樊大樊傅

村蘆里下封大原村余原村小原村原莊窰頭經木欒
店折而南流過三里莊郭村南賈村又西南流入黃河
按甘志沁性善遷往由詹家店入河後徙由本店西
南入河去縣四十餘里明萬曆十五年水大漲自南
賈直入於河前志係道光八年修稱由詹店入河而
今仍由南賈與萬曆時情形正同然兩次變遷之時
代則竟不可考矣

蟒河

亦名
泥

發源於濟源縣西山由城北折而東南流歷

孟溫兩縣至寨上村之南入武陟境經董宋趙莊西岩
東岩駕部唐郭余會等村至解封南入於河

廣濟渠 前志謂由溫縣入武陟境至解封村入河今由

沁陽之宋莊二仙廟前入武陟界經崔桓孟遷水運各

村至董宋入於蟒河

附挑疏廣濟渠碑記曰廣濟渠由武邑董宋村入黃
灘舊矣水淤灘高致下流不通四面泛溢害及河武
兩邑而武邑被害尤鉅自上而下湮沒良田千餘頃
抵城之南三面隄圍水無所出瀦蓄浸淫卽倉庫衙
署皆在可虞奈數十餘歲但蒿目束手付之嗟嘆而
已道光二十九年邑侯許大老爺念切民瘼躬親勘
驗視工程洪大非一村所能辦飭令臨渠十九村同
力合作經三次挑疏始順軌而下由趙莊入蟒由蟒
達河焉噫侯之明德遠矣告竣因勞賜恩永將十九
村一切雜派概予優免示體恤昭公道也並立歲修
規模勒諸貞珉
使永著恪守云

按廣濟渠鑿山開洞創興水利濟沁兩邑渥霑利益

武陟地處下游小旱之年尙可少分餘潤大旱則水爲上流堵截渠可揚塵一遇霖潦遂成瀦水之害前志謂泛濫縣西南境害田畝甚多洵非誣也渠道壅塞已久民國三年道憲胡公督飭疏濬濟沁兩縣分任其責武民拒不與聞非敢放棄權利蓋深明利害之故誠不欲勞力傷財引水自貽患也

白馬泉 發源於遙隄頭沿隄東流經西小莊東小莊吳小營范莊二舖營至富二里之王莊東北入獲嘉縣界又名白河其水雖不甚旺然非大旱之年涇渭清流無時或息附近諸村開渠種稻頗有收穫縣東水利殊少

若能疏濬泉源廣修溝渠則溉田益溥未始非一方之利益也

古蹟

關帝廟

一在大虹橋西創建未詳有明嘉靖萬厯重修碑記

一在楊窪村明嘉靖間創建

一在東白水村乾隆十四年重修

一在木樂店隄上康熙四十二年建

結義廟

在北尚村創建未詳有明萬厯重修碑記天旱禱雨輒應

金龍四大王廟

在南賈村明萬曆三十八年重修

河神廟

一在張村隄上順治甲午河決於此工竣創建

一在老龍灣隄上

栗大王廟

在老龍灣隄上清光緒五年建又有專祠在城內西北

隅詳建置志

玉皇廟

一在周家莊

一在大虹橋

一在小高鎮

一在東陶村

天齊廟

在吳巷村創建未詳有明崇禎四年重修碑記清宣統三年復修

元帝廟

一在大司馬鎮明嘉靖四十四年創建

一在趙莊乾隆二十三年重修

老君廟

在小高鎮

祖師廟

在喬廟創建未詳明隆慶四年重修

東嶽廟

在廟小段創建未詳香爐鑄萬厯年款識順治九年嘉慶八年先後重修

湯王廟

在大虹橋

商王廟

在程封村

三官廟

一在許莊明宏治六年創建

一在前牛文莊明嘉靖二十二年創建

一在北官莊廟中有古磬重六十餘觔款題興佛寺而寺不知廢於何時

一在喬廟鎮廟有古槐大數圍下分上連如門俗呼爲圈門槐有元張姓碑記大約爲元以前物云

一在圪墻店

濟瀆廟

在古城村相傳濟水曾發現於此因建廟以鎮之

黑龍王廟

在南陽村

白龍王廟

在北陽村

牛王廟

一在黃村明洪武間創建

一在馬宣寨創自元代明嘉靖間重修

一在張家寨創建未詳明天啟間重修

唐王廟

在水運村俗名螞蚱廟相傳唐太宗命官在此驅蝗後

入建廟以紀其惠

二仙廟

一在蒯村萬厯間創建

一在沁陽溫縣武陟三縣接壤處

柳毅廟

在孟門村

裴昌廟

在傅村

韓昌黎廟

在石荊村明正德間創建

興佛寺

一在前南睢村創建未詳有唐大中十四年碑記及明

代崇禎十年鐵鐘

一在益莊西北有鐵鐘甚古

佛聖寺

在東姚旗營康熙十年創建

彌陀寺

在薛小段村乾隆十六年重修

淨土寺

在馮丈村明成化間創建

洪濟寺

在徐店有唐經幢金大定尙書禮部牒明鐘磬又有鐵羅漢十八尊不知鑄自何時蓋必唐以前古刹云

玉真觀

在小司馬鎮沿河二十二村所建

千佛閣

在木樂店創建未詳有明嘉靖間碑記清咸豐時重修

永福院

在商村元時創建今遺址尙存

三教堂

一在南賈村明隆慶五年創建清康熙間重修

一在趙莊康熙間重修有崇禎元年鐵鐘

一在姚旗營咸豐間重修

清真寺

在王李莊清乾隆八年創修大毀五十六年增修拜殿

民國六年重修

亞聖祠

在南耿村村多孟姓於清嘉慶間創建道光二十三年重修每歲四月初二日亞聖誕辰合族致祭

兩程夫子祠